

佛說阿閦佛國經卷上

此等八卷

服一

阿閦佛發意受慧品第一

後漢月支三歲支樓迦譯

聞如是一時佛在羅閱祇者閻崛山中與大比丘衆千二百五十人俱皆阿羅漢也生死已斷無復有結悉壞牢獄已得自在

乙

已善解智慧為度諸天龍王皆為之伏所作已辦諸當為者已脫重擔使得所有用正慧解意得自在所度無極獨阿難未也余時賢者舍利弗起長跪叉手白佛言善哉天中天昔者諸菩薩求無上正真道者行德号發意便得至号是諸菩薩以義哀念安隱諸天及世間人為作安諦多所安隱於衆人民以義故哀念安定以大身於世間無蓋哀傷諸天及人今現在及過去諸菩薩摩訶薩為現光明乃至法之明為作照明令至佛光明而無有名若有求菩薩道者當如昔諸菩薩摩訶薩所願及行明照并僧那令人諸德号已聞

者當如是學奉行之學如是者即為成阿惟越致及無上正真道也佛言善哉賢者舍利弗所問甚善汝乃問過去諸菩薩摩訶薩所願及行照明并僧那令人至所号念諸當來菩薩令受取之諦聽是舍利弗善思念之為汝解說過去諸菩薩摩訶薩所施行舍利弗言唯然世尊願樂欲聞佛語舍利弗有世界名阿比羅提其佛名大目於彼為諸菩薩摩訶薩說法及六度無極之行余時賢者舍利弗心念言我欲問如來天中天何所是阿比羅提世界及大目如來無所著等正覺為諸菩薩摩訶薩說法及六度無極之行者乎時佛即知賢者舍利弗心所念告舍利弗言東方去是千佛刹有世界名阿比羅提其佛名大目如來無所著等正覺為諸菩薩說法及六度無極之行時有比丘從座起正衣服右膝著地向大目如來叉手大目如來言唯天中天我欲如菩薩結願學所當學者如是舍利

弗其大目如來告其比丘言如結願學諸菩薩道者甚亦難所以者何菩薩於一切人民及蜎飛蠕動之類不得有瞋恚如是舍利弗其比丘白大目如來言天中天我從今已往發無上正真道意以意勸助而不離之用願無上正真道也當令無謬謔所語至誠所言

服一

二

無異唯天中天我發是薩芸若意審如是願爲無上正真道者若於一切人民蜎飛蠕動之類起是瞋恚第一意若發弟子緣一覺意第二意唯意念婬欲第三若發意念睡眠意衆想猶豫第四發意念狐疑第五乃至成最正覺我爲欺是諸佛世尊諸不可計無央數

不可思議無量世界中諸佛天中天今現在說法者唯天中天我發是薩芸若意審如是願爲無上正真道者若我發意念殺生者第一若發意念盜取他人財物第二若發意念非梵行者第三若發意念妄語第四若發意念悔恨第五乃至成最正覺我爲欺是諸佛世尊

服一

三

諸不可計無央數不可思議無量世界中諸佛天中天今現在說法者唯天中天我發是薩芸若意審如是願爲無上正真道者若我發意念罵詈第一若發意念惡口第二愚癡第三若發意念綺語第四若發意念邪見第五乃至成最正覺我爲欺是諸佛世尊諸不可計無央數不可思議無量世界中諸佛天中天今現在說法者佛語舍利弗其比丘如是爲已被是大僧那僧涅槃薩摩訶薩初發是意乃於一切人民蜎飛蠕動之類意無瞋怒亦無恚恨也舍利弗尔時其菩薩摩訶薩用無瞋恚故名之爲阿閦用無瞋恚故住阿閦地其大目如來無所著等正覺亦歡喜作是名四天王亦歡樂爲是名天帝釋及梵三鉢亦歡樂作是名佛語舍利弗其阿閦菩薩摩訶薩白大目如來無所著等正覺言唯天中天我發是薩芸若意審如是不離願爲無上

述不發薩芸若意而欲念成佛者世世不常作沙門世世不常著補納之衣世世作沙門以三法衣不具乃至成最正覺我爲欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願我發薩芸若意審如是願爲無上正真道者世世若舉手說法世世見餘菩薩不發佛心世世若發意念供養外異道人捨諸如來世世若在座上聽法乃至成最正覺我爲欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願爲無上正真道者世世若發意念我當至成最正覺我爲欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願爲無上正真道者世世不常作法師世世所說事不有無所罣礙高明之行世世不有無量高明之智世世作沙門不常行分衛乃至成最正覺我爲欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願爲無上正真道者世世不常精進行三事何等三一者經行二者坐三者住世世若發意念罪本妄語欺人誹謗謠言世世爲女人說法及食飲因緣若起想著笑爲說法者乃至成最正覺我爲欺是諸佛世尊諸不可計無央數

不可思議無量世界中諸佛天中天今現在說法者唯天中天我發是薩芸若意審如是願爲無上正真道者世世若舉手說法世世見餘菩薩不發佛心世世若發意念供養外異道人捨諸如來世世若在座上聽法乃至成最正覺我爲欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願爲無上正真道者我世世於諸菩薩所意無服一四

見孤窮用其人故不自分身命乃至成最正覺我爲欺是諸佛世尊諸不可計無央數不可思議無量世界中諸佛天中天今現在說法者唯天中天我發是薩芸若意審如是願爲無上正真道者我世世於諸菩薩所意無

時其比丘如是如來無所著等正覺爲作保任若如來爲作保任者諸天阿須輪世間人民亦爲作保任尔時大目如來爲作保任時諸天阿須輪世間人民亦爲作保任佛言若復有比丘菩薩摩訶薩以是色像僧那求無上正真道者皆當成無上正真道最正覺佛語舍利弗其阿閦菩薩白大目如來無所著等正覺唯天中天我發是薩芸若意審如是願爲無上正真道者令我成最正覺時其刹所有比丘比丘尼優婆塞優婆夷若有罪惡者及讒罪惡者我爲欺是諸佛世尊諸不可計無央數不可思議無量世界中諸佛天中天今現在說法者復次天中天我當修行乃至成無上正真道最正覺令我佛刹諸弟子一切皆無有罪惡者我當修佛道至令佛刹嚴淨唯天中天我發是薩芸若意審如是願爲無上正真道者我若於夢中不失精進乃至成最正覺我爲欺是諸佛世尊諸不可計

眼一

無央數不可思議無量世界中諸佛天中天今現在說法者復次天中天我當修行乃至成無上正真道最正覺令我佛刹中諸菩薩出家爲道者於夢中不失精進唯天中天我發是薩芸若意審如是願爲無上正真道者世間母人有諸惡露我成最正覺時我佛刹中母人有諸惡露者我爲欺是諸佛世尊諸不可計無央數不可思議無量世界中諸佛天中天今現在說法者是爲菩薩法事如意所念行佛亦爲如應說法佛語舍利弗尔時有一比丘謂阿閦菩薩摩訶薩乃作是結願若使不退轉者當以右指按地令大震動尔時阿閦菩薩應時承佛威神自蒙高明力乃令地六反震動阿閦菩薩摩訶薩所感動如語無有異也佛語舍利弗若有菩薩欲成無上正真道最正覺當學阿閦菩薩摩訶薩行菩薩摩訶薩以學阿閦菩薩行者不久亦當即取佛刹土當復成無上正真道最正覺也尔

時賢者舍利弗問佛言天中天阿閻菩薩摩訶薩初發意時有幾何天在會中佛告舍利弗阿閻菩薩初發意學時三千大千世界中四天王天帝釋及弊摩梵三鉢一切皆向阿閻菩薩又手說是語昔所不聞是僧那諸天聞已便說言阿閻菩薩成無上正真道若有人生其佛刹者是人福德不少也賢者舍利弗白佛言未曾聞餘菩薩摩訶薩以是色像學僧那我亦不見亦不聞如阿閻菩薩摩訶薩及天中天爲作如是之名佛言如是也舍利弗少有菩薩摩訶薩以是色像學僧那及無上正真道如阿閻菩薩摩訶薩於是舍利弗波陁劫中諸菩薩摩訶薩其德不及阿閻菩薩摩訶薩之功德也佛語舍利弗余時大目如來無所著等正覺授阿閻菩薩無上正真道波汝當來作佛號名阿閻如來無所著等正覺成慧之行而爲師父安定世間無上大人爲法之御天上天下尊佛天中天亦如

提和竭佛授我決時佛語舍利弗大目如來授阿閻菩薩摩訶薩無上正真道波時其三千大千世界皆爲大明譬我亦如是受無上正真道波時是三千大千世界皆爲大明復次舍利弗其阿閻菩薩摩訶薩成無上正真道最正覺得薩芸若慧時其三千大千世界六反震動譬我亦如是成無上正真道得薩芸若慧時是三千大千世界六反震動復次舍利弗阿閻菩薩摩訶薩受無上正真波時是三千大千世界中諸藥樹木一切皆自屈低向阿閻菩薩作禮譬我亦如是成無上正真道最正覺得薩芸若慧時是三千大千世界諸藥樹木一切皆自曲低向我作禮復次舍利弗其大目如來無所著等正覺授阿閻菩薩摩訶薩無上正真道波時其三千大千世界中諸天龍鬼神捷沓想阿須輪迦留羅真陁羅摩休勒一切皆向阿閻菩薩又手而作禮譬我亦如是成無上正真道最正覺得

第一

薩芸若慧時三千大千世界諸天龍鬼神捷陁羅阿須輪迦留羅真陁羅摩休勒皆向我又手作禮復次舍利弗其大目如來無所著等正覺授阿閦菩薩摩訶薩無上正真道決時遍三千大千世界諸姪身女人皆安隱產盲者得視聾者得聽譬我亦如是成無上正真道最正覺得薩芸若慧時是三千大千世界諸姪身女人皆安隱產盲者得視聾者得聽復次舍利弗大目如來無所著等正覺授阿閦菩薩摩訶薩無上正真道決時遍三千大千世界中人非人皆燒香譬我亦如是成無上正真道最正覺得薩芸若慧時遍三千大千世界中人非人皆燒香賢者舍利弗白佛言阿閦菩薩摩訶薩乃有是無極之德佛告舍利弗阿閦菩薩摩訶薩不但有功德不獨大目如來授其決如是不可稱說無央數功德得度無極復次舍利弗大目如來授阿閦菩薩摩訶薩無上正真道決時諸天阿須輪

世間人其意皆安隱悉得其時譬我亦如是成無上正真道最正覺得薩芸若慧時諸天阿須輪世間人意皆得安隱悉得其時復次舍利弗其大目如來授阿閦菩薩摩訶薩無上正真道決時和夷羅鬼神常隨後護之譬我亦如是成無上正真道最正覺得薩芸若慧時和夷羅鬼神常隨我後行復次舍利弗大目如來授阿閦菩薩摩訶薩無上正真道最正覺得薩芸若慧時諸天阿須輪世間人以天華天香供養之譬我亦如是成無上正真道最正覺得薩芸若慧時諸天阿須輪世間人以天華天香來供養復次舍利弗大目如來授阿閦菩薩摩訶薩無上正真道決時三十億人及三千億諸天發無上正真道意大目如來無所著等正覺皆授其決復次舍利弗大目如來無所著等正覺授阿閦菩薩摩訶薩無上正真道決時其地大動自然生優鉢華蓮華拘文華分陁利華布其地譬我

亦如是成無上正真道最正覺得薩芸若慧時其地大動自然生優鉢華蓮華拘文華分陁利華布其地復次舍利弗大目如來無所著等正覺授阿閻菩薩摩訶薩無上正真道決時若干百天人若干千天人若干百千諸天人住於虛空以天衣用散阿閻菩薩上即

七

八

說言是菩薩摩訶薩當疾成無上正真道最正覺也復次舍利弗大目如來授阿閻菩薩摩訶薩無上正真道決余時諸天阿須輪世間人民相愛劇父母哀其子譬我亦如是成無上正真道最正覺時諸天阿須輪世間人民相愛劇父母哀其子也復次舍利弗大目

中諸天及人民皆承佛威神聞授決時如是舍利弗昔此月中人民一心布施爲福德使飲食若有求索者已所喜而施與復次舍利弗其大目如來授阿閻菩薩摩訶薩無上正真道決時諸欲界天人悉鼓天妓樂供養舍利弗是阿閻菩薩摩訶薩受決時之功德行賢者舍利弗白佛言難及天中天如來無所著等正覺誠諦說之不可思議諸佛佛之境界不可思議諸神神之境界不可思議諸龍龍之境界乃從阿閻菩薩摩訶薩初發意學受得此功德天中天是阿閻菩薩摩訶薩受決時亦不可思議是時賢者阿難謂賢者舍利弗阿閻菩薩摩訶薩初發意學僧那及德号如是也舍利弗謂阿難言是皆有因緣所致阿閻菩薩摩訶薩初發意學僧那及德号今佛當廣解說之時佛告舍利弗言阿閻菩薩初發是意時可令虛空有異我所結願不使有異彼僧那僧涅乃是佛語舍利弗

九

十

如阿閦菩薩摩訶薩所被僧那僧涅寶英菩薩摩訶薩亦從阿閦菩薩學行舍利弗無央數菩薩不能及知阿閦菩薩所被僧那僧涅甚堅積累德行乃如是舍利弗其阿閦菩薩以成無上正真道最正覺今現在阿比羅提世界阿閦如來無所著等正覺行菩薩道時世世人求手足及頭目肌肉終不逆人意也舍利弗阿閦如來從初發意至成無上正真道最正覺不中有頭痛亦無風氣上膈之病舍利弗是阿閦如來無所著等正覺昔行菩薩道時甚難及未曾有之法阿閦如來昔行菩薩道時世世見如來一切常奉梵行世世亦作是名阿閦菩薩從一佛刹復遊一佛刹所至到處日常見諸天中天生於彼佛言舍利弗譬如轉輪王得天下所從一觀復至一觀足未曾蹈地所至常以五樂自娛得自在至盡壽如是舍利弗阿閦如來行菩薩道行時世世常自見如來無所著等正覺常修梵

行於彼所說法時一切皆行度無極少有行弟子道彼所行度無極爲說法有立於佛道者便勸助爲現正令歡喜踊躍皆令修無上正真道便發是大尊意彼說法時諸所德本以願持作無上正真道我持是德本願無上正真道成最取正覺時說法令我佛刹中諸菩薩摩訶薩佛說法時承佛威神皆受諷誦持之諷誦已是諸菩薩摩訶薩從一佛刹復遊一佛刹意常樂諸佛天中天至成無上正真道最正覺我亦如是從一佛刹復遊一佛刹即住於兜術天得一生補處之法佛復語舍利弗如是諸菩薩摩訶薩從兜術天自以神力下入母腹中從右脅生菩薩生墮地時地爲大動以修行有是應菩薩在母腹中時都無有臭處亦無惡露亦無不可意時佛語舍利弗譬如神通比丘若入交露精舍於虛空中遊行周匝虛空中行於交露精舍無所觸礙如是舍利弗菩薩入母腹中時如在虛空中遊

般一

十

觀周匝無所觸礙亦無臭處其阿閦如來昔行菩薩道時如是我亦如是行無上正真道最時一切皆破壞魔事我如是成無上正真道最正覺阿閦佛刹求菩薩道及求弟子道者皆破壞諸惡降伏魔衆一切皆盡其佛刹人民不復作魔事我當修是佛道隨至得出家學

道佛語舍利弗阿閦如來無所著等正覺昔行菩薩道聽說法時其身不生疲極意亦不念疲極舍利弗阿閦如來者求菩薩道聽說法時如是好法令我佛刹中諸菩薩摩訶薩好法如是阿閦佛刹善快品第二

賢者舍利弗白佛言天中天是阿閦如來無所著等正覺昔行德號時以成號阿閦如來其善天中天願佛當復廣說其佛刹之善快所以者何若有求菩薩道者聞知彼佛刹之善快及阿閦如來所現行教授若復有求弟子道未得度者聞彼佛刹之善快及阿閦如來所現教授恭敬清淨之行佛言善哉善哉

附一

舍利弗所問甚善汝問佛善快乃如是念阿閦佛刹之善快阿閦如來成無上正真道最正覺得薩芸若慧時其三千大千世界皆爲大明地六反震動阿閦如來成最正覺時其三千大千世界中諸人民七日不食飲亦不妄食飲亦不妄諛詣身亦無疲極之想如是也俱想念安隱好喜相愛意歡喜意以得時念余時諸人民諸欲天皆棄穢濁思想所以者何用阿閦如來昔時願所致得是德號其三千大千世界一切人民又手向阿閦如來其佛刹如是無央數佛刹不及是阿閦佛刹之善快舍利弗是爲阿閦如來昔行菩薩道之所願而有持諸菩薩摩訶薩所願有持者佛刹便善快佛語舍利弗我昔行菩薩道時如所願今自然得之阿閦如來成無上正真道最正覺時其三千大千世界諸人民得天眼者未得天眼者皆見其光明舍利弗是爲阿閦如來昔行菩薩道時所願而有持佛復

語舍利弗阿閻如來成無上正真道最正覺往諸佛樹時諸弊魔不能發念何況當復能往姨薩芸若舍利弗是爲阿閻如來昔行菩薩道時所願而有持復次舍利弗阿閻如來成無上正真道最正覺得薩芸若慧時無央數那術億百千諸天人於虛空住以天華天

栴檀雜香天擣香妓樂供養散阿閻佛上供養已其天華天香天擣香天栴檀香天雜香悉於虛空中合住化成圓華蓋舍利弗是爲阿閻如來昔行菩薩道時所願而有持阿閻如來光明皆照明三千大千世界常明阿閻如來光明悉蔽日月之光明及一切諸天光明皆令滅使人民不復見日月之明舍利弗是爲阿閻如來昔行菩薩道時所願而有持賢者舍利弗白佛言天中天阿閻如來無所著等正覺昔行菩薩道時以被是大僧那僧涅槃乃作是願佛言昔行菩薩道時若干百千人不可復計無央數人積累德本於無上正

真道持是積累德本願作佛道及淨其佛刹即如所願欲嚴其佛刹即亦具足其願復次舍利弗阿閻佛刹樹以七寶具作之高四十里周巾二十里其枝葉傍行四十里其枝下垂其欄楯繞樹周巾五百六十里阿閻如來於其樹下得薩芸若慧佛語舍利弗如世間工巧人鼓百種音樂其聲不如阿閻佛刹中梯陞樹木之音聲風遍起吹梯陞樹木相扣作悲聲佛語舍利弗聽說阿閻如來無所著等正覺刹中之淨快諦聽善思念之今當爲汝說之賢者舍利弗言唯然世尊願樂欲聞佛言阿閻如來刹中無有三惡道何等爲三一者泥犁二者禽獸三者薜荔一切人皆行善事其地平正生樹木無有高下無有山陵溪谷亦無有礫石崩山其地行足蹈其上即陷適舉足便還復如故譬如綻筵枕頭枕其上即爲陷適舉頭便還復如故其地如是其佛刹無有三病何等爲三一者風二者寒三者氣

其佛刹人一切皆無有惡色者亦無有醜者其姪怒癡薄其佛刹人民皆悉無有牢獄拘閉之事一切皆無有衆邪異道其刹中樹木常有華實人民皆從樹取五色衣被衆共用著之其衣被甚殊妙無敗色者佛語舍利弗人民所著衣服譬如天華之香其飯食香美

服一

如天樹香香無有絕時諸人民著無央數種衣服其佛刹人民隨所念食即自然在前譬如舍利弗忉利天人隨所念食即自然在前如是其刹人民隨所念欲得何食即自然在前人民無有貪於飲食者復次舍利弗其佛刹人民所卧起處以七寶爲交露精舍滿無有空缺處其浴池中有八味水人民衆共用之其水轉相灌注諸人民終不失善法行譬如今利弗玉女寶過踰凡女人不及其德如天女如是舍利弗其佛刹女人德欲比玉女寶者玉女寶不及其佛刹女人百倍千倍萬倍億倍巨億萬倍不與等人民以七寶爲

床上布好綻筵悉福德致自然爲坐舍利弗是阿閼如來無所著等正覺昔行菩薩道時所願而有持阿閼佛以福德所致成佛刹如是比佛復語舍利弗言其刹中人民飯食勝於天人飯食其食色香味亦勝夫人所食其刹中無有王但有法王佛天中天佛言舍利弗譬如欝單曰天下人民無有王治如是舍利弗阿閼如來無所著等正覺佛刹無有王但有阿閼如來天中天法王譬如忉利天帝釋於座適發念諸天便來受其教舍利弗是爲阿閼如來佛刹之善快其刹人民不從姪欲之事所以者何用是阿閼如來真人法御天中天所致舍利弗是爲阿閼如來昔行菩薩道時願所致令佛刹善快尔時有異比丘聞說彼佛刹之功德即於中起姪欲意前白佛言天中天我願欲往生彼佛刹佛便告其比丘言癡人汝不得生彼佛刹所以者何不以立姪欲亂意著得生彼佛刹用餘善行法

清淨行得生彼佛刹佛語舍利弗阿閻如來
佛刹有八味水是諸人民所爲悉共用之人
民意念欲令自然浴池有八味水滿其中用
人民故即自然有浴池有八味水滿其中用
念欲令水轉流行便轉流行意欲令滅不現
即滅不現其佛刹亦不大寒亦不大熱風徐

服一古

起甚香快是風用諸天龍人民故隨所念風
便起若一人念欲令風起自吹風即獨吹之
意念不欲令風起風便不起風起時不動人
身風隨人所念起舍利弗是爲阿閻如來佛
刹之善快如昔時所願佛語舍利弗阿閻如
來佛刹女人意欲得珠璣瓊瑤者便於樹上
取著之欲得衣被者亦從樹上取衣著之舍
利弗其佛刹女人無有女人之態如我刹中
女人之態也舍利弗我刹女人態云何我刹
女人惡色醜惡舌嫉妬於法意著邪事我刹
女人有是諸態彼佛刹女人無有是態所以
者何阿閻如來昔時願所致佛復語舍利弗

阿閻佛刹女人妊身產時身不疲極意不念
疲極但念安隱亦無有苦其女人一切亦無
有諸苦亦無有臭處惡露舍利弗是爲阿閻
如來昔時願所致得是善法其佛刹無有能
及者舍利弗阿閻佛刹人民無有治生者亦
無有販賣往來者人民但共同快樂安定寂
行其佛刹人不著愛欲姪浹以因緣自然受
樂其刹風起吹梯陛樹便作悲音聲舍利弗
極好五音聲不及阿閻佛刹風吹梯陛樹木
之音聲也舍利弗是爲阿閻如來昔行佛道
持所願而有特佛語舍利弗若有菩薩摩訶
薩欲取嚴淨佛刹者當如阿閻佛昔行菩薩

服一十五

道時所願嚴淨取其刹佛復語舍利弗阿閻
佛刹無有日月光明所照亦無有查具之
處亦無有墨礙所以者何用阿閻如來無所
著等正覺光明皆照三千大千世界常明譬
如交露精舍堅閉門風不得入好細塗以白
堊之持摩尼寶著其中其珠便以光明照其

中諸人民晝夜承其光明如是舍利弗其阿閻如來無所著等正覺光明常照三千大千

世界舍利弗交露精舍者謂是阿比羅提世

界也摩尼寶者謂是阿閻如來也摩尼寶光

明者謂是阿閻如來之光明也精舍中人者謂是阿閻佛刹中人民安樂者也佛語舍利

弗阿閻如來行所至處於足迹下地自然生千葉金色蓮華舍利弗是爲阿閻如來昔行菩薩道持所願而有特賢者舍利弗問佛言阿閻如來無所著等正覺入殿舍時自然生千葉金色蓮華耶爲在所至處自然生乎佛告賢者舍利弗阿閻如來若入郡國縣邑所

如來無所著等正覺若遣化人到他方異世界彼亦自然生以佛威神所致其三千大千

世界以七寶金色蓮華而莊嚴之

弟子學成品第三

佛復語舍利弗阿閻如來說法時於一一說法之中不可計無央數人隨律之行至有作

阿羅漢道證者如是比無央數諸弟子聚會

及復得八惟務禪者阿閻如來佛刹諸弟子衆不可復計佛語舍利弗我都不見持計者與校計詎能計數其衆會者也已脫重擔離於牢獄遠於波頭犁阿羅羅犁阿比舍犁阿優陀梨如是舍利弗衆會不可計數諸善男

服一

十六

卷

子是弟子智慧無央數不可計衆在須陀洹斯陀含阿那含阿羅漢道也若懈怠者得須陀洹爲七生七死是說法時其人爲不得上便合聚意欲令上在虛空中承佛威神其蓮華用人民故便上在虛空中而羅列成行佛復語舍利弗其三千大千世界乃如是阿閻

道證者其佛刹謂是善男子爲懈怠用不一坐聽法作阿羅漢道證故其刹須陁洹不復七上下生死便於人間坐禪得三昧須陁洹即於彼自以威神力作阿羅漢道證其刹斯陁舍不復往還世間以棄衆苦便於彼得三昧斯陁舍便於其刹自以威神力作阿羅漢道證其刹舍不復上生波羅尼蜜和耶越天便於彼自以威神力作阿羅漢道證其刹阿羅漢不上下便於彼至無餘泥洹界般泥洹其刹說沙門四道如是至令得道果佛言舍利弗若善男子善女人於法自在者不復失學住亦不失學餘事如是於不學地便般泥洹也無所學地謂是阿羅漢地舍利弗是爲阿閻如來無所著等正覺刹諸弟子學成無有塵立在上好要處者謂是阿閻如來刹弟子衆阿羅漢也生死已斷所作而辦所當爲者已脫重擔便得所有盡壞勤苦牢獄之事以中正解復知八維無禪阿羅漢行

附一

七

八維無禪舍利弗是爲阿閻如來刹弟子之善行是爲阿羅漢之功德所爲法行其刹以三寶爲梯陞一者金二者銀三者琉璃從忉利天下至闍浮利地其忉利天人欲至阿閻如來所時從是梯陞下忉利天人樂供養於天下人民言如我天上所有欲比天下人民者天上所有大不如天下及復有阿閻如來無所著等正覺也佛語舍利弗忉利天人樂供養天下人民天下人若上至忉利天者便不樂供養忉利天人所以者何我天下佛說經如我天下所有於是天上無也不如我天下所有我天下樂供養有佛忉利天見天下

人民天下人民遙見忉利天宮殿譬如此刹天下人遙見日月星辰殿舍如是舍利弗其佛刹天下人遙見諸天宮殿如是及欲行天承佛威神所致是爲阿閻如來佛刹所有善快佛復語舍利弗阿閻如來佛刹三千大千世界皆說法四輩弟子滿三千大千世界無

空缺阿閻佛刹弟子意不念今日當於何食
今日誰當與我食亦不行家家乞時到飯食
便辦滿鉢自然在前即取食食已鉢便自然
去其剎飯食如是諸弟子不復行求衣鉢也
亦不裁衣亦不縫衣亦不浣衣亦不染衣亦
不作衣亦不教人作以佛威神所致同共安

樂自然生阿閻如來不爲諸弟子說罪事如
我爲諸弟子說十四句法阿閻如來不爲諸
弟子說如是之法所以者何其剎無有行惡
者阿閻佛不復授諸弟子戒所以者何其佛
剎人無有短命者亦無弊惡人無有穢濁劫
亦無有諸結無有穢濁見其剎以除諸穢濁
佛復語舍利弗阿閻佛說法時諸弟子便度
於習欲所以者何以棄於惡道故其剎衆弟
子終無有貢高惰慢不如此剎諸弟子於精
舍行律其剎弟子無有作是行者也所以者
何舍利弗用其人民善本具足故所說法悔
過各得其所其剎不說五逆之事一切皆斷

眼一

大

諸逆以諸弟子不貪飲食亦不貪衣鉢亦不
貪衆欲亦不貪著也爲說善事行所以者何
用少欲知止足故舍利弗阿閻佛不復授諸
弟子戒如我於此授諸弟子戒所以者何其
剎無有惡者是謂弟子但以苦空非常非身
以是爲戒其剎亦無有受戒事譬如是剎正
士於我法中除鬚髮少欲而受我戒所以者
何其阿閻佛剎諸弟子得自在聚會無有怨
仇舍利弗阿閻佛剎諸弟子不共作行便獨
行道不樂共行但行諸善其剎無有過精進
者亦不可見懈怠者舍利弗是爲阿閻如來
佛剎出家諸弟子之德行佛語舍利弗阿閻
如來爲諸弟子說法時弟子不左右顧視一
心聽經中有住聽經者身不知疲極中有坐
聽經者身亦不知疲極意亦不令疲極也阿
閻如來於虛空中說法時諸弟子悉聽之是
時得神足比丘未得神足比丘承佛威神皆
於虛空中行而聽法者是諸弟子於虛空中

以三品作行何等三一者住二者經行三者坐中有坐般泥洹波藍坐居而般泥洹者諸弟子皆般泥洹時地即爲大動般泥洹已諸

天人民共供養之中有阿羅漢身中自出火還燒身而般泥洹中有阿羅漢般泥洹時自

以功德行如疾風中有譬如五色雲氣於空

十九

盛

中行便不復知處中有弟子自以功德便沒去不復知處所般泥洹如是中有般泥洹時於虛空身中放水其水不墮地便滅不現其刹如是清淨而令身滅不現其刹如是清淨令身滅不現而般泥洹諸弟子般泥洹如是也舍利弗是爲阿閻如來無所著等正覺昔行

菩薩道時所願而有持成無上正真道諸弟子以是三品般泥洹復次舍利弗阿閻如來佛刹諸弟子無央數不可計諸弟子少有不具足四解之事者多有得四解事具足者諸弟子少有不得四神足安隱行者多有得四神足安隱行者舍利弗是爲阿閻如來佛刹

諸弟子所成德行賢者舍利弗白佛言阿閻如來無所著等正覺佛刹諸弟子所行皆是無極者也

服一

佛說阿閻佛國經卷上

婁識

楚禁反

阿閻閉

昌六反亦作

蜎飛

鳥

蠛虫也

飛蠕動

動細虫也

諛詣

丑音余下

反

芸若

上音云下汝者反

薩

狐疑

上音

僧那僧

涅

此云著謂著鎧甲也

僧

恚恨

上音

反讒言

反弊魔

上音惡也

悉

波陁

碑上音

惱想

也所披

放下音

香

神闡

上去聲

劇

肌肉

上音

飢

蹈地

上音益

娛

也

脅

反

燒

亂也

蔽

梯陞

上他方

反梯道也

蒲

扣

苦僕反一

也

反

禪

石

砂

也

也

反

鬼

帝反

禪

也

也

反

妙

美也

好也

過踰

也

反

竊冥

上音曉反

也

販賣

也

反

煙曉反

也

見也

也

白

聖

下音惡

羅迦

下音巨

縫

音逢

澆浣

同

洗玄

伴

仇

音求

佛國上

二十末

服一

服

後漢月支三藏支婆迦譯

諸菩薩學成品第四

爾時賢者舍利弗心念言佛已說弟子所學成願佛當復說諸菩薩所學成所以者何皆當學成是諸菩薩所照光明時佛即知賢者舍利弗心所念卽告舍利弗其阿闍如來無所著等正覺佛刹有若干百菩薩若干千菩薩若干億菩薩若干億百千菩薩大會如是佛語舍利弗諸菩薩摩訶薩於阿闍佛所下鬚髮皆承佛威神悉受法語諷誦持之如我於是所說法由爲薄少耳阿闍佛所說法無

央數不可復計比我所說法百倍千倍万倍億万倍不在計中舍利弗是爲阿闍如來發行菩薩道時所願我成無上正真道最正覺時令我佛刹諸菩薩我說法時令諸菩薩皆承佛威神悉受諷誦持之佛復語舍利弗尔時諸菩薩摩訶薩皆承佛威神受所說法諷誦持是諸菩薩摩訶薩自生意念欲從其刹至他方世界俱至諸如來所聽所說法爲諸佛世尊作禮諷誦之復重問意解爲諸佛作禮諷誦已重問意解已便復還至阿闍如來所佛語舍利弗是波陁劫中當有千佛甫始四佛過菩薩摩訶薩欲見是諸佛者當願生阿闍佛刹若有善男子善女人於是世界若他方世界終亡往生阿闍佛刹者甫當生者即當得住弟子緣一覺地所以者何其有因緣見如來者及衆僧爲以斷弊魔羅網去得近弟子緣一覺及佛地當得無上正真道最正覺其人爲以成如來爲以見諸菩薩摩訶